



❁ рашид рашидов ❁

кiялгiнала никiа устни

**РАШИД
РАШИДОВ**

**КІЯЛГІНАЛА
НИКІА
УСТНИ**

НАЗМУРТИ



**ДАГУЧПЕДГИЗ
МАХАЧКАЛА — 1975**

НИКИА

АНХЪЧИЛА

ДАЛАЙ

Дагъистан АССР
Просвещенна-ла Министерство
Левашад районна

ХЪАЛ... БУЛА
... ШОЛА

Дагестанская АССР
Министерство Просвещения
КАЛАБИНСКОЕ
СРЕДНЯЯ ШКОЛА
Левашиинского района

№ 1218 19

г. " " 19

**Гинцбира курегара,
Гъари, ахъдикленая,
Къялубазир духъули,
Хъилизир дузеная!**

**Хіушала къялубачиб
ШятІ бучІа арцантани,
Савлила цІуэрличил
Анхъ бирцІур макъамтани.**

**Хіушала дяхІцІилиуб,
Белки, бегІ гъалабси
Назму белкІиша нуни,
Чилилра хІебелкІунси.**

**БягІлира аличира,
Гъари, ахъдикленая,
Къялубазир духъули,
Хъилизир дузеная!**

Гіяхіси сортла сар или,
Гира хіуша анхъчини.
Чахъдирура дармунта,
Далхара амур шинни.

Бухъалли рахли бяррям,
Гъакайрура михъирли,
Янила сирислиур
Ванадирура гъигъли.

Унрубира шантира
Башаб, дигалли ціедеш,
Чи вакіалра, гъаргбирен,
Анхъ, хіуни хіела лебдеш.

Хъярбира гимиргъира,
Гъари, ахъдикіеная,
Къялубазир духъули,
Хъилизир дузеная!

**АГЪ,
СЕЦАДАЛ
ДАРЕСТИ!**

Агъ, сецадал дарести,
ДурхІни, нушаб хІеблизир,
ДахъхІи хъулдикІахъули,
РурхІули дакІибтазир!

Нушала къалабадеш
Галга шинишбиахъес,
Галгаличиб чякара
Шадли вичІирбухъахъес!

«Гъей, хІянчи
гъамаддираб»!—
Дикъула гъаман тІамри.
Дайхъу-хъяшли тІамрира,
Ашкарли, нушаб сари.

Нушаб сари, сен адли,
Дузули унхъразирра,
ХІебла куц лѣбкѣяхъули,
Нуша къакъурбазирра...

КадерхурхІели дурсри,
ДирехІе арцантачил.
БусагІят гъаза саби,
Гъаза саби жузачил.

Сецад дахъал диалра
ХІеблизир лигІматуни,
БегІла халаси лигІмат —
Нушала къиматуни.

Диалри къиматуни
Лерилра «шулабицун»,
Мурталра дирехІери,
Арцанти, хІушачилцун.

Сепайда, масъултани
Нуша къагъдилзахъулра,
Майъали кІантІдикІесли
Дебали думсахъулра.

Ахъибсину ил гъуни
Халати узбанира,
Се биалра, сеналра
ИхъехІе нушанира.

**ХІЕБ ДАКІИБ,
БАКІИБ МАЙРА**

**ХІеб дакІиб, батбухъун май
Вавализиб, хъилизиб,
Гіелабушиб ванзара
ХІунтІен байрахъунази.**

**Гъалагдариб, цІубдариб
Къасурби нешанани.
Гъе халдариб, хІердариб
ДегІес дудешунани.**

**Ванзала талихІчебдеш,
ХІулбукІибдеш майлизиб
Чедиулра ишбархІи
Гъар адамла хІерлизир.**

**Вавназиб саб курега,
Киражла диндиличил.
Вари, къакъамабикІуд
БутІярдеш лѣбкъниличи.**

Сирис-шах дицІахъехІе
Ца нушала гъигълира,
Билкъад хІу, тІембикІули
БерхІилира хІеблира.

Лушаб паргъатли пукъни
Азирти арцантани,
ПяхІли мургъигъунтани,
Къудкъуди арцгъунтани.

«Даршудеш, Бузери, Май!»
ДелкІи байрахъуначи,
Кагилра ванзаличи,
ГъуцІлира зубартачи.



ХІЕБ, АГЪ, ХІЕБ!

**Вавни гъардакІилри,
РурхІулри дурар.
ЧатІни абздикилри,
ДучІулри дурар.**

**Цадалги дузулри
Ванзара закра,
Цаван баргсалгъулри
ГІинзурба къакра.**

**ДуцІли рухІнарухъун
Разият хъули,
ТІамали цахІнаб юрт
ЗайбикІахъули.**

**Хала неш, хала неш,
Чедаадри ца,
Се къяйда лямцІдухъил
ХІеркІ, авлахъ, вацІа.**

**ХІебли дубуртазиб
Сархиб чедибдеш.
Ягъари, чераргъи,
РелхІен, хала неш.**



**Рухъна чераргъилри
Пикрумазирад,
Кѣл нергъ гердухъири
Ляжубачирад.**

**Даршэсти хѣб сарри
Рухънала илди.
Се дирутив ишар
Дугъби цархѣлти!**

ДУРХІНИ

(САЙТІУН ЧАТІАЛИ)

Дурхіни сайтіун чатіали
Хіебла бархіи дукілаур.
Хіеб, гьатіира кьугъали
Лямціардикіули кайзур.

Хіеризи, ца хіеризи
Гьардикіути бургачи,
Неш-чатіа чарбухъалли,
Ибхьути мухілубачи.

Гьамли жагъти чатінала
Макьамтани юрт бирціур,
Чучи хіяйранбиубли,
Къадалаб зурхіяб биціур.

Гьамли нуни хіушала
Дикис кіимали бурги,
Урцудая гіур хіуша,
Гіебхіебаэсли урги.

Кани — ціуба чинила,
Къакъ — ціудара магъила,
Каммайабая хіуша
Ну акіубси махьилар.

Гьар дус чардулхъабая,
Мухілубазир хіеб хили,
Разидешра шалара
Ахіенси гіур хіехили.

ДУРСРАС

ДАРМАН

Дурар хІебри, бархІири,
Зиланти кьакьалабри.
Дурсри хІядурхІерили,
Ирбагъин кьакьалири.

— Лебси биалри дарман,
Адам инжитхІерили,
Беркунмад дарс балуси,
Ца бара хІерван или!

— Лебси саби ил дарман,—
РикІар неш уршилизи.—
Я низбазиб бургар ил
Яра уриализиб.

ШингІяализиб сабил ил,
Шумиръализиб сабил,
Бархъли буралли, илра
Багъес хІейрар чилилра.

Муси-миализибал
Яра гІятуразібал
Багъес вируси ахІен
Чидил кІапІилизібал...

Савли низбала чуду —
Нушала Ирбагъиннис,
БархІехъ шингІяла чуду —
Нушала Ирбагъиннис.

Кадухая къимиръа,
Дихая къркъртира...
Даргая викІар, хъярхъли
Лертира агартира.

Рахъ разили сари неш —
Уршила ранг дарсдиуб.
ХІябал жумягІла духІнар
Ляжуби хІунтІендиуб...

— ХІедкІун нуни ца гІяхІти
Шинишаби дурсилра.
Се къяйда сари вара,
Урши, хІела дурсилра?

Шакикибсигъунари
Ирбагъин гІямултачи.
Иб, бара пишяхъили
ХІерикІули нешличи:

— Ашкарлигу, ит дарман
Баргили ургус нуни:
Дарс белчи валкъарулра,
Чудни дарайчи хІуни.

УРЧАЧИБ

Дахъ думжахъугу урчи
ГъалахІебла бурхІнани.
ХІеб дакІалли, мурчІала
Урчи диру дурхІнани.

ХІера, мурдали Басир,
ХІера, мурдали Мурад.
«Чирив гъалакайзурси,
Эй, лерилра гъаларад!»

Урчи тІашаиб бара
Бамсурти мурдабани.
ТалихІчебти мурдаби
Алавбуциб дурхІнани.

— Чидила хъярхъси вара,
Давлагаб, ишдазибад?—
ВикІар, гъинкІбалли хІули,
Ца дурхІя дурхІназивад.

— Наб чилра глевхлейур,— иб,
Тяс-тясухъи Мурадли.
Хіххіиб Басирлира:
— Хіед глевиус гьамадли.

Кабизахъур дуцла мер
Шиниша диркьаличиб.
Гъу ибхіели, дуцдухъес
Хіядурли сари урчи.

Басирли иб:— Гъари, тіаш,
Агу дила глярчумаг,
Ихъув, гьатіи, урчили
Глярчумаг агарли лаг?!

Циркїил мурчїла глярчумаг
Мурадлира лайбакїиб.
Бутїацугбикиб гьанна,
Гьайдарес сагїят бакїиб.

— Тїаш!— иб гїурра Басирли,—
Маднаб кїинайс жалти:
Далуті сари нуни
Иш Мурадла гїямулти.

Урчи гьалакайули,
Хіелугалли наб гьуни,
Сай гїелакавхънилизі
Халбирис, узби, нуни.

— Гїяхїси саб,— иб
Мурадли,
Кьапїара убасили.

— Далкьаурлирав? — ца,
кїел...

— Тїаш!— иб гїурра Басирли:

— Къапа нунира балтас,
Хіуша занкІейкІадалли...
— Ягъари, валкъаигу,
Падахус леврикъалли!..

ХіихІиили, ахирра
Кайзур Басир тугъличи.
ДурхІнала вјав-гъавлиур
Арцур мурчІала урчи.

Гелакавхъири Басир,
Майъали кІантІикІулри.
— Ну урчили ца шайчи
ГъавитІунра,— викІулри.

КІЯЛГІНАЛА

НИКІА

УСТНИ

Даг машиналичир хибти
Гъумла бекІари азбарлаб.
Агъ дурхІнала тІама-гъама.
Шиш-къишъала бекІа-алав!

Гъумлизирад ца уршили
Дирули сай сунес хъулри.
Бараалра гІяхІхІейзалри,
Хъулри итсагІят дулъулри.

Дулъулри, гІур вехІирхъулри,
«Тяп кІялгІя тІашбалтас» или
«КІялгІя-алав тяп тІутІила
Унхърира удалтас» или.

«ГІягІнибиркур, куц бакІахъес,
Иш барули алавбуцес,
Къапура далтехІе гъаргли,
Нушачи гІяхІли башахъес.

Хала нешла хабарла нарт
Лявкъуси сай кІялГІялизи.
ГІяхІялдеш дирис, гІур аркъян
ХІера, ишди къадурбази»...

ХъянтІа бара хъарсбарили,
БиштІал някъли гъум халтІдариб,
КІялГІяличибад гъарахъли
Мурхъси, цІябси къада бариб.

«Ишаб аждагъа лебси саб,
ДигІянбикили шурмази,
Дуцили шин, датхІейули
Шила халкълис гІинзурбази.

Нартли, гъайгъай, аждагъала
Чум диалра бекІ чердирхъу,
Шин датдулхъан, тІинтІкайрар
Духъар унхъри, садиур хъу... шин,

Нарт вакІалли,—рикІар рурси,—
Хъураирис дила хъули.
ХІеризи берхІи улкъайла
Сецад жявли абулхъулил.

БегІла ахъси юрт саб дила,
Нартра ахъси вирусигу,
Нарт юртлизи хъураварес
ГІяхІси вегІра дигусигу...»

БархІехъли, цІудара чабни
Хъурадариб къадурбази,

ДурхІни хІекъли абархилри
Чула хабарла кІялгІнази...

Дудеш гІяхІцадхІи гъаргалав
ХІерикІулри биштІатачи,
Илис бахъ шалалиригу,
Ункълиригу уркІиличиб...



БЕГІ ГЪАЛАБ БЕЛКІУНСИ КАГЪАР

**Иб нешли уршилизи:
— БелкІен кагъар узици,
Базла духІнар сунени
ХІябал делкІину хІечи.**

**— Ягъари, неш, секъяйда
Кагъар лукІусив нуни,
ДелчІхІелчІи левалрагу
Лерилра алипуни?**

**— Балусигъуна белкІен,
ДелкІен хІябал хІярпалра,
Дила кагъарла бухІна
Кабирхъисну хІелара.**

**Касиб кагъар ГІялини,
ПикриикІар, сунтІикІар,
Ца балкІси къел каили,
Резинкали суркикІар.**

Сунези сари гІяшли
ГъайрикІули сари неш.
Агъ, нешли уршиличи
ЛукІутала дахъалдеш!..

ЦадехІ къел-къуш дарилри
ГІялини кІапІилизи.
«Ма иш белкІунрану», иб,
Чебаахъиб нешлизи.

— Ва, се сабив, гъари, иш,
Се суратунив ишди?
Ишдиалра чихъалив,
Ишди — хІябал къаралди?

— ШакхІериркуси лерри,
Ва неш, хІура хІябилра!—
ХІура, дудешра, нура
Сарра ишди хІябалра.

— Иш къани... Се къанив иш?
— Къани ахІенгу иш, неш,
Иш нушала хъалигу,
Агъ, селра хІебалудеш!..

— Иш къикІа?
— «КъикІа» рикІар,
КъикІа ахІенгу иш, неш,
Дила суратуначи
ХІела ташмишрикІудеш!..

«КъарабяхІ» хІебагъуррив?
Сен мешусил хІерризи:
Иш къуйрукъ, ишди лихІби —
ВикІулрагу ну хІези!..



Неш пишряхъибгу бара,
Уршили гъигъабатур.
Нешли кагъарла дубла
Серил гІурра чебатур...

Гъарахъси шагъарлизиб
Армияла частьлизиб
Касиб солдатли кагъар
ХІерила сагІятлизиб.

Нешла кагъарла бухІнаб
Тетрадъла кІапІи саби,
Солдатли уркІиличи
Ил гъяжбирули саби.

Чиллала бархІикъира,
Ванали саб солдатлис,
Баркалла викІули сай
ВиштІаси узи ГІялис.

Хъули вакІибхІеливан,
УркІилис гъамадбиуб.
Ванза булхъули саби
Солдатла чакмалиуб.

ГЪАР СЕКІАЛ ДАЛУСИ ПАТІИ

Ралусив, эй, хІушани
ПатІи бикІуси рурси,
ХІебалуси секІайсра
Балусила дируси?

ХІебалас эс мармарли
УрузкІули сар ПатІи:
«Селра хІебала или,
ГъанхІебиркуру, гъатІи!»

Лебтазилра ца суал
Хъарбаилри дарсличиб.
ХІера, някъби ахъдиуб
Ца чумал парталичир.

Ахъдуцибтала ургаб
Лебри някъ ПатІилара.
Ахъбуцилри гІурра някъ,
Суал хІебалукъира.

Дурсри хъардиухІели,
Ца тяхІяр лебси саби,
Ил тяхІяр лебтанилра
Ункъли балуси саби:

Бараван балалли дарс,
Някъ ахъбурцу бараван.
Балалли дарс дурусли,
Ахъкабурцу байрахъван.

ПатІини иш гъакІлис някъ
Ахъра-гІяшра бирулри.
Ил сен рачарархилил
Муслиматли балулри.

— Гъари, бура, Муслимат,—
Иб учительницани.
БурибхІели, гІурра иб:
— Ункъли бурири хІуни.

— ПатІинира нунира
Дарх дирулра,— иб,—дурсри.
— Ил гІурра гІяхІси саби,
Гъай къучакъуни-рурсби...

ХІунтІенриуб, цІубриуб,
Аъла рерубли, ПатІи:
«Муэру иш, мару иш,
Иши бирусив, гъатІи?

Сунечил барх цалра дарс
ХІебарирагу нуни,
Сен, гъатІи, илцад къяна
Бурусира ишини?»

Хіеръиб цаличи цали
Хіер бархъбизур рурсбала.
Хіер ванали биалли,
Анцібукъ уркіили бала.

Имціати хІисаб-суал
ШикъхІедариб ПатІини.
«ХІебагъурси хІебалтас».
Іб сунези сунени...

БархІехъ Муслиматличи
Чи сарив къутІрикІуси?
ПатІи сар, хІебалуси
ХІебатес къасбарибси.



НИКІА

ДУБУРЛАНТАЛА

ДЕЛХЪ

Урши :

БерхІи хІерейчибкъира,
ГъанкІли тІутІурикІулрив,
Сен илбалагъли къяшми
Зугъали шикъдирулрив?

Рурси :

Савлиличирад нуни
КІел дубура ахъилра.
ГІинизла шинра хили,
Къачалис къарра хилра.

Урши :

ХІу илгъуна риънила
НабкІун хабар чинабри?!
Гъаригу, ца пухІрухъен,
АхІермайрудну дабри.

Рурси:

Дабри ахІерли ахІен,
Нешли сагати ису.
Ишди кЪугЪати дуцІрум
УлхЪули деркІес кЪасу?

Урши:

Гъачам хІу рамсахЪурли,
ДелхЪ тІашиайра нуни:
Савли дудешличибяхІ
Бурцайра дубри гЪуни.

Рурси:

Ил багъандан ургуд хІу
Илцад улхЪес иштяхІси,
ДелкЪаб хІела мукЪрира,
АргЪра кабизаб гІяхІси!

Урши:

ГІяхІси гЪайлис баркалла
ХІеили, гІур сейкІусив?
Ца мукЪара лебкис хІед,
ХІу кЪяйда тясбикІуси.

КІЕЛ

ГЪАЛМАГЪ

Лебри, лебри кІел гъалмагъ,
Мурталра барсбирхъути,
Ца чеваргъайчи итил
ГІянручІ улкъайуб хІерти.

ХІебла ца бархІи савли
Иб ГІялини Вализи:
— ХІу вахъхІи усулрину,
Гъари, узикъар, айзи.

Харчизур ишав Вали:
— Усули ахІенри ну,
Ца гІяхІси муэрлизи
Ахъили, сахълирину.

ТІимкъли гурда бурцули
Бара сабри калунси,
ХІунири гъар-се секІал
ВявикІули дуунси.

— ИлкIун дила муэрри,
Даг нуни чебаибси,
Гурда бурцухIели, ну
ХIуниригу хIетурси.

— Се ири? Дила гурда
ХIед барес къасбарилрив,
Яра, шаладикайчил
ВакIили, дукаркIулрив?

— Ну вакIибси гъуйчивад
Арукъесра вирус ну.
ХIед цархIил гурда барга,
Дила ит наб батину!

Къяшма абхъили унза,
Арякъун ГIяли хъули,
ГIергъи гIяхIцадхIи Вали
БекIли гъакIикIахъули.

Лебри, лебри кIел гъалмагъ,
Цалис ца бахъ ахIерти,
Чуйна цугбикаллира,
Сагали барсбирхъути.

Барсбирхъули биршути,
Биршули барсбирхъути.

ЦА ГЪАЧАМ

ГЪАТИИ

КАЛХЪАС

Дурсери тамандиубмад
Гъяйми хъямдариб Хіясай,
Музала бекІличивад
КІухІ-или калхъули сай.

Агъ, Хіясан, лачин Хіясан!—
«Гъари, дурхІни, гъаларад!»
Дуклуми ляркъули сар,
Кавхъалли, Хіясайчирад.

Хъумартур дурсрачила,
Нешла гъайра хъумартур,
Музала бекІличивад
Даршнейс сагали арцур.

Сулсли кадухъун, хІера,
БархІехъла берхІила нур.
Биур бикІули саби
Хіясайзи уркІи, биур.

Ца гъачам гъатІи, викІар
ВиштІаси сунези сай.
Музала бекІличивад
Сагали калхъули сай.

ДягІ шятІбикІули саби
Адаргъурти лихІбазиб,
Лами абалки саби
Демжурти ляжубазиб.

БерхІи дубурла гІела
ДигІянбикес гъуцІбикІар.
Ца гъачам гъатІи калхъас,
Ца гъачам гъатІи, викІар.

Бархти гъалмагъунира
Арбякъи саби хъули,
ХІясан шакра хІейкили,
ХІера, бархІи ихъули.

— Гъаригу, — викІар ХІясан, —
Дунъя буъхІебуэсну,
Гъаймалара хІял багъес,
Гъачам гъатІи калхъасну.

ЛямцІдикІулри зубарти,
ХІясан чарулхъухІели,
ХинкІа букес хъулибти
Бара кабибхІели.

ХинкІа укахъес ватур,
ГІур рехІризур гъатІи неш!
Амма иш гъакІлис гъайла
Аги сеналра гІяхІдеш.

Жуз абхъибмад итсагІят
Ускауи урши ХІясан,
ВерхІал бархІи узули
ХІялагарвиубсиван.

Савли дурсрачив ХІясан
Занзбачи кайибсин сай.
Някъ ахъбурцули ахІен
Суайс сеналра ХІясай.

Доскаличи дуравхъес
Баиб ярга ХІясайчи.
ХІейгу-дигули ХІясан
ЗузитІун доскаличи.

— Музалавад гъяймачив
ГІягІнилив чуйна кавхъес,
Гъачамли кІел ихъалли,
Даршлим верхІал ерс ахъес?

ГІяшкабуциб ХІясай бекІ,
Хъябли хІебурцусиван.
«ГІур... гІур... гІур ну итцадхІи
КахІелхъас», — викІар

ХІясан.

ВИШТІАЛ

ХІЯСАН

Хіерудилиув вирар
Даим нушала Хіясан.
— Сен? — СенкІун ил дебали
ВиштІал виъни багъандан.

Ярга саби хіербикІес
Уршиличи бегІтала,
Се хъарбаралра биру
Уршили халатала.

Нешла ярга сабаиб
ИшбархІира хіеррикІес.
Агъ, гъариб, нешла къайгъи
Урши Хіясан хіяргІяхъес.

Дураб гяргярбикІуси
Биалра бархІи хіебла,
Аргъ цакъяйда каланал,
Хіеланал чили бала?!

— Балала динди чегъи,
ЛихІбар къапІа чебиа,
Шарф бигъен; дубурличиб
Цудар гъагул чебаа...

ДурхІни дуцІбикІар дураб,
Буцес или къабулдан,
Шалбуртази вархили,
Герилзули сай ХІясан.

ДурхІнани тап бемжахъур,
ГІяяркъяба гІяраван,
ХІямамлизив къяйда сай
ХІякназив виштІал ХІясан...

Ярга баиб дудешла
Уршиличи хІеркІес:
«Иш урши, ашкарлигу,
Чебиркур, дебшлаварес!»

— Чеббати, гъари, хІева,
Дати хъулир дабрира,
Вашен, гъари, азбарла
КъантІа шалбарра хІура.

Дураб тяхІули саби,
Ашкарли, берхІи хІякъян.
Вацала гъезба вакІиб,
ХъанцІиуб виштІал ХІясан.

Висес вархли вализур
ВиштІал, къакъавакІили.—
Се дебш дирутив ишди,
ЧІянкІули дурайули?!



БелхІун ца бархІи бегІти,
ВелхІун виштІал ХІясанра,
— Ну,— викІар ил бегІтази,—
Илцад виштІал ахІенра.

ХІейгулрану мурталра
ХІушаб ну бекІмахулхъес,
Ватабаягу гъачам
Набчи ну хІерикІахъес.

ГІИСАЛА

ХАСИЯТ

Тамашала хасият
Лебли буру Гіисала:
Се гІяхІбизалра сунес,
Мерлабиру кисала.

ХІер чебхІейсу рузини,
Укалли шадив Гіиса.
Се-дигара гІяхІбизаб,—
Гъари, вирадли каса!

Амма нушала Гіиса
ВацІли чархІелхъан хъули,
ГІяхІбизуру — билтІа ил,
БегІти хъямбашахъули.

Ца гІямзила кайхъили,
ВаяхІ сари Гіисала,
Дайхъала хибти сари
УрхІличирад кисалар.

РехІризур гъачам рузи:
— Хъулки ветаэс къасу?

— Се хъулки села хъулки,
Нунив хъулки бируси?

ДакІу-гъаргли ахІенси
Касибси ахІен селра.
Армахид хІебикІаргу,
Нуни се архаслира...

Гъачам ГІисачи шадив
ВакІилри унра Абул,
Арбухили уббухъун
Абуї ца буркѡа гІябул.

Пергъила бархІи ГІиса
ЗигарикІар, вявикІар:
«Шилизивра урибси
Абул хъулки сай, викІар.

Дила серил ириъра
Беткахъили гъанбиркур.
МялГун! БицІили ургар
Дила дигІунтани кур...

Жагасира, цІахсира
ХІедалес сай виштІасив,
УрхІла секІал мерличиб
Балтес сен хІебалусив?!»

КЪЯЙ... КЪЯЙ...

— Чина аркъулри, Мирза?

Къяй... къяй...

— Асес дигулра убза.

Къяй... къяй...

— Убза хїед се бирусив?

Къяй... къяй...

— Мегъ чинаб къутїбирусив?

Къяй... къяй...

— Мегълизибад се барес?

Къяй... къяй...

— Мирш барес, къялкъя барес.

Къяй... къяй...

— Мирш-къялкъя се дирутив?

Къяй... къяй...

— Арши-мура хїевдутив?

Къяй... къяй...

— Арши-мура чихъала?

Къяй... къяй...

— Хіямидхъала, Нухіхъала...

Къяй... къяй...

— Илдихъали чи сабтив?

Къяй... къяй...

— Нушала шанти саби.

Къяй... къяй...

— Шантани хіед се луга?

Къяй... къяй...

— Къиянна бархіи лукІа.

Къяй... къяй...

— Бархіилизиб се лебсив?

Къяй... къяй...

— Или ибси се ибсив?

Къяй... къяй...

Варъара лебси саби,
Цікуруи лямрикахъес,
Чягъирра лерти сари,
ГіяхІлас умегі биціахъес,

Хивира лерти сари,
Биціахърилис кайсахъес,
Къуршмира лерти сари,
Иш нушала Ирбагъин

Тукентази вашахъес,
Тетрадъ-къалам исахъес,
Цархіилтиван учІахъес.
Къяй... къяй...

**ГЪАР
СЕКИА
ВЕГИ**

**БахІямадла гъайлизир
Сунес бегІла дурхъати,
Дурули гъар гъигълизир,
Лерри гъай ишдигъунти:**

**«Наб, «дила саби», «биха»,
«Бати», «къячмаркуд, вари»!.
ЦархІилти-декІар дугъби
Илцад дурули хІейри.**

**«ХІейруду икІ дубура
ХІед кабарес?» ибхІели,
«Бати!» иб, «дила саби,
Улелъа дакІибхІели.»**

**— Шила дублабси ит хив
Сен шантала бирусив,
Сен, буцили хІугІебли
ЧумакахІебирусив?**

— Берхъили ахІен ишдус,—
Иб ахъли БахІямадли,—
ХІу викІуси галгара
Бурцирагу гъамадли.

— Эй, БахІямад, рахли ну
Виасри хІела мерлав,
Ункъливан хІерилзаси,
Вирхаи, алав-гъалав.

Сен вегІагар диубтив
ВацІала жаниварти,
Сен ил хІу левниличи
ШакхІебиркутив шанти?

— БуцІи дила ахІен, иб,
ГІурилти дила сари.
ГІурилтачи викІулра
Къячмайкаб чилра, вари!

Ишди тетрадьлизирти
«КІилаби»... ира нуни.
— Ге, иб, ну гІевваргилра
Байталман «кІилабани».

Ишди «кІилаби» дурхІнас
ДуртІасигу лерилра,
Кайсули ахІен къадин,
Чула вегІебш, чилилра.

Ца «кІила» наб кайсисгу,
Ирагу, ургаухъи,
— «Наб», «дила саби», «бати!»
Иб илини уркІухъи.

ГІЯЙИБАГАР

— Ну ахІенра, викІар Халид,—
Хъямвашуси гъар секІайчи,
Някъби сари лехІхІейхъути,
Се викІули хъалли, набчи.

— Чидил някълири бячунси
Сагъурличибси сукура?
— Кампетуначилсив? Гъайгъай,
Тяп иш някълири, иш, хІера.

Халидли лехІал някъ битиб,
Алгъай някъли пяхъикІули.
ГІур паргъатиубли кайиб,
Кайиб ил пикриикІули.

Харчли айзур: — Ну ахІенри
ЖибхІнас гІергъи дуцІикІуси,
Ишди кІелра къяшли сайри
Ну кайахъили хІелтуси.

**Хіуша хъулир агархІели,
Даг ишдани арукили,
Бара хІилхІи калунра ну,
Гумиличивад каркули.**

**— Чидил къяшрив имцІаливан
ГъирбикІуси шадиб башес?**

— Ишрив гъари, ишрив?...

**— ГіурхІейс
Къайгъибирис хІисаббарес.**

**— ХІебиалли, хІечиб гІяйиб
Агарли балан селалра?**

**— ВикІулрагу, набчиб гІяйиб
Баргес хІейрулра сеналра.**

**— АнцІбукъ или биубхІели,
Хіу валтари, къячхІеркехІе,
Някъбачира къяшмачира
Чумати мегъ чедирхъехІе.**

**— ДалтехІегу, — иб Халидли, —
Иш гъакІлис мегъ чехІейхъили.
Иргъахъис нуни ишдази,
БусагІятал вехІихъили.**

ЦААГИЛИ УСУСИ

— ВелхІунрив, виштІал узи!
— РелхІунрив, рузи, хІура!
— Гъу, итцадхІи усули,
Сецад дурсирил бура?

— Марли бурасли, рузи,
Цаагили усира.
Диъра бибгІянбарили,
Картошкара дурсира.

Илдазирад, ашкарли,
Ляркъян тяп хІябал чуду.
— ГІяхІси муэр саби ил.
ГІур гьатІи се буриду?

— Ца чуду — наб савлилис,
Тяп велхІунмад укахъес.
Къапула дуравхъасли,
ДягІлизи архІевхахъес.

Кіиэсил чуду — хіерейс
Дуравад чарухъунхейс,
УркІи ца баціванбухъи,
Тапла хіяз тіашаибхейс.

Хіябэсил чуду — бархіехъ,
ДукІул хинкІала мерлаб,
Гіурра сагали усес
Ухъала кайхъес гъалаб.

— Агъ хіед гіяхіси леври хіу,—
РикІули сари рузи.
Гъачам жявли сабину,
Цакъадар усен, узи.

Азгъиндеш хіедарадли,
Дурсишину нушабра —
Нешлисра, дудешлисра,
ВакІибсилисра, набра.

— Нуцун сен усусира?
Гіяхіцад дегІ дурсилрану,
Гіурилти дурса хіуни,
Хіура рахъ русулрину.

ГІЯЯРДУХЪИРИ

МИРХЪИ

**Аказияла вавни
ДехІдихъилри тІемдикІес.
Гіяярдухъири мирхъи
Варъалис шараб дучес.**

**БикІар мирхъила мезли
Ца мирхъи итиллизі:
«Халал тамаша саби,
Бурасли нуни хІези.**

**ТІакъначирад вавначи
Азир гъуни ихъулра,
ХІеб ва дуцІрум дузули,
Напакъа кабирхъулра.**

**Вашули, арашули,
Лявкъули сайну адам,
Варъа арбихули сай
Шалуби дицІибмадан.**

Гіямал баресицунгу
Нушаб гіелаб балтуси,
Иш балагъ нушачибад
Чили, мурт чебаркусив?!

— Се бикІулри, гъари, хІу,
Духуси мирхъикъира,
Пикри сен хІебирусив
Анцібукъ бара мурхълилра?

ЧехІебиулрив хІуни
Анхълаб дурхІни сакІубли,
Цали къелхІе касили,
Цали кІалтІа касили.

ХІедахалри ихдани
Галгубира вавнира,
МурчІалилис, варъалис
Шибіъ чинар дургира?

Адамтанигу нушаб
Хъулри далкъаахъурти,
Я заб, я дягІ нушачи
Къячал хІедиркахъути.

Гъанбиркуру, бузи, хІед
Нуша вацІализирли,
Синкали умхализи
КачІа гъакабалтули?

Ит балагъ чеббикнилис
Булгес гіягІнисикъира,
ХІу дугІли гіярзбикІулри,
Духуси мирхъикъира.

БАЛУПРАЯВ

ХІУШАНИ?

Ца рухънас кѣл дурхІяли
КІалтІализир шин хилри.
Рухънани баркаллалис
ДурхІнас кѣл гІинц дедилри.

ГІергъила бархІи гІянручІ
Бахъал дурхІни бакІилри.
Дякъи шин лерхехІену,
КІалтІа биха бикІулри.

Рухъна разирарили,
Хилри гІинизла шинра,
Цаца гІинц тІягІямличил
Деркири илданира.

ХІябэсил бархІи азбар
ЦахІнаб балхІехъи саби —
ГІурра бахъал биштІати
Цалабикили саби.

Къапула гъалаб цабехІ
Цаагили шІятІбикІар,
ЦабехІ, релхІенгу или,
Улкъайтази къутІбикІар.

Хъалчличи абацІили,
ВявбикІар ахъли дурхІни:
— КІалтІа биха, дяргІиб шин
ЛерхехІену нушани.

Хъалч гъятІиу рикІули,
Рухъна къакъали сари.
ГІекІили гергли унза
Дебариубли сари.

БацІси гавлаг улкъайчи
Гъалакахъиб рухънани.
Сен дигІярриубсил ил
Балулраяв хІушани?!

**ГЪАРБИЗАБ ГЪАР
КАЦІИБ ГАНЗ
ХІУШАЛА, ПИОНЕРТИ!**

**Къакъурби ва майдунти
Вавнаниван делкІунти,
Гъарбизаб гъар кацІиб ганз
ХІушала, пионерти.**

**Шаддираб байрумтани
ХІушала шалати дяхІ,
ГъуцІли диаб мурталра
УркІурбира гъаладяхІ.**

**ГъаладяхІ, ахъихІидяхІ!—
Лозунг дудешунала
Лозунгли биаб хІушаб
ГІямрулизиб хІушала.**

**ХІушала чихъси далай
Бакъасли парадличиб,
Тамашала хІял башар
Зимбухъи уркІиличи.**

Дунъя дуб агарсиван,
ИтсагІят гъарзабирар,
Дунъя, децІ агарсиван,
ЦахІнаб аваданбирар.

ДалайикІулдра нура
ГІяш-гІяшли хІушачил варх.
Бамкъмабамкъаб викІулдра
ХІушала бургачиб аргъ.

Бурги ахъкадуца,
Багъадур пионерти,
Нушани хІебелшунси
Белшес или акІубти.

Ганз гъарзали кацІая,
ГІяхІси къас уркІилабти,
Нушани адхІехъибси
Гъуни ахъес кайзурти.

Лябкъян бархІи, гъаргбирар
ХІушаб бягІуси гъуни,
Луга халал улкали
ХІушази урнакъуни.

Марти ленинцыбала
Марбалли чебяхІси у,
Аркидая хІушани
Улка ахъ зубартау.

МИЪЛИЧИБ

**Янила къяркъси дуги
Аиб миъ шараличи.
Кайзур савли Ирбагъин
БегІ гъалав конькабачи.**

**«ИшдалагІи гъалакдеш,
БекІлил лехІхІейхъулигу,
ХІухІдухъи къяшмаурад
Сарил урдурхулигу!» —**

**ВикІули сай Ирбагъин
Миъличивад алзули.
Айзурли бекІнайчи
ГІурра вайтІа каркули.**

**«Се къяйда чарухъиша,
ДукаркІахъули, хъули,
Мурт бурсирусира
Ну ишкъяйда калхъули...**

Мигъра шарала дублаб
Къанни айбсира сен,
НушачибкІун иш яни
БахъхІи кавлуси ахІен?

— Ягъари,— викиар Къасум,—
Пулудван камалзадгу,
ГъалавахІ гъакІиадли,
Илди сарил дашаргу.

Мякълавад шалгІевухъун
ДятІ къяйда хъярхъли Къасум.
Лас-ласиуб, ца мерлав
Тіашизур сунеласун.

Ирбагъинна ласикІес
Гъанналис ахъри агу:
«Даширая, ахІерти,
Ца илкъяйда, гъаригу».

ГъакІванухъун Ирбагъин,
ЦухІухъун миъличивад:
— Каркули ахІенрану,
Мавашудгу шулгІевад!

УркІи ибкъли тимхъбикІар
Нушала Ирбагъинна:
«Нешли яра дудешли
Чеваасри ну гъанна».

Сепайда дунъяличи
БерхІи абухъи саби,
Къяшмауб миъ бицІули,
УркІи къакъали саби.

БУКІУНАЧИВ

ГІЯХІЛАДЛИ

ДуцІрум деркІира нуни
Ахъ дубрир дудешличил,
Калхъули варгъиличи,
Алзули шалдаличил.

Нушачири чертІути
БерхІили нур бегІ гьалар,
БархІехъ цІябти гьагулти
Гугдиръи къушла гьалар.

Хала букІуй диъла чяч
Наб гьалабурцухІели,
Укес алкІуси иштяхІ,
Агъ, тамаша, итхІели!

Абзур бархІи буркІира
Нуни хІинда мукърачил,
Бурсиварира нура
БукІуна шятІихъличи.

Шятїхъла макъамтани
Дирцї либхїли къадурби,
Хїяйрандири, лехїдилзи
Вавни, шурми, къадуби.

Дай хїерейс алкї гїиниз,
Миъ бицїули хїурхъауб.
Дай хїерейс уктем чїака
Кїайбирхї берхїилиуб.

Миълихъла ва вавнала
Калзира дазуличи,
Игъубли хїязлис пяхїул,
Чїака жургъбикї набчиб.

Дучира нуни вавни
Дила гербарийлизи,
Лерхис дурсрачи илди,
Чедиахъис хїушази...

Къярдлизирад къушлизи
Дихи шин эмхїеличир.
Гъачам набчи хъарбариб
Хала букїуй ил хїянчи.

Чарулхъухїели, бецїли
Байбяхъиб дила гъуни,
Эгъей! или вявъира,
Чердикиб балагъуни.—

Къяйк-къуйкала шикъдариб
Итсагїят букїунани,
Дила ит тїамаличи
Илцад шакбикибтани.

Ит беџла лихїи аги
Ирагу дудешлизи,
«Ил хабар хїуни бура,—
Иб,— нушала хурази».

Набчил гїур гьалмагъбикиб
Хуразибад ца — «Къаплан»,
Бахъ кункли дуџїбикїгу,
Биџибсикъира къапван.

Къунби селис гїягїнитив,
Барх «Къаплан» хїебиалри,
Ну шичи эмхїеличил
Вархъес чилилра хїейри...

Ухути зубартауб
Дунъя бускалухїели,
Агъ, сихїрула муэрти,
Чедиути итхїели!

Леврив гїур дунъяличив
Ит ну къяйда талихїчев,
Дила гьалмагъунира
Биалри рахли набчил!

ВАХЪ

ВЕМЖУРЛИ

САЙ ЖАВАД

Вахъ вемжурли кьакъакад

Аркъулри унра Жавад.

— Гьаларад!

— Гьаларад!

Ягъри, се биубсив,

Сейубсив унра Жавад?!

Жавадлис гьергъи нура

Вируцад дуцлукъунра.

Гьаргдарили къапура,

Дураухъун Къапира.

— Се биублив? — вявиклар,

Нушаб гьергъи дуцликлар.

Цаван дуцли сай Жавад,

Дуцли сай анхълизивад.

Ташилзули ахлен ил,

Ласирхъули ахлен ил

Беклиил.

Дуравхъун анхълизивад
Анхъчихъала Гіялира.
— Эй дурхІни, эй унрубн,
Чина къалабатыра?

Се дикІутира нуша,
Илизи се бурусив,
Селра агу биалли
Нушанира балуси.

Жавадлис гІергъи нуша
Цаагили дуцІлира.
Калун гІелаб гумира,
Батурра гІелаб шира.

Шила дублаб шинкъа саб,
Шинкъа гъалав Гіямар сай.
Журуга эмхІеличи
Гавлаг чебирхъули сай.

Батур эмхІе декъличил,
Дураухъун дякъличи.

— Сен гъалактира хІуша,
Се бетаурсив илцад?
— Гъалавад!
— Гъалавад!

«Ца балагъ агарлири,
Ишди барх дуцІхІебулхъи»,—
ДуцІухъун варх Гіямарра,
Ца бара васвасухъи.

ХІяйна ши алавбарес
Илцад-декІар гъамадлив?!

Ахирра дуці ташаиб
Жабагар Жавадли.

Ташаиб илини дуці
Чула къапула гъалаб.
Гурра цалабиркулри
Биштати нуша-алав.

Дукаркули сай Жавад:
— Ціакъти дуилра хіуша,
Бара хіилхі саира,
Гъигъ къябудули, иша.

Илхейчирад гъар бархі
Херлира Жавадличи,
Ибкъли хіядурдикіули
Байрумтачи дуціличи.

ШИННИЧИЛА

ХАБАР

Илцад ил халал шилизиб
Цацун сабри гиниз лебси,
Бара аргъ дегъван биалли,
Мулклил беткахъес хIядурси.

Къадуби дуръули сари
БерхIила гужли шурмачир.
ХIерикIес булан уркIилис
Къиянни саби илдачи.

Арцантани пукъни ишар
Лушули ахIен хIеблизир.
Вава-къар дерубли сари
БуцIардеш лагъбухънилизир.

Къалъличибад хIербикIули,
БукIра гъакIбикIар бухънаби.—
Мурхъси къадалаб, кIухбухъи,
Варачан кабухъи саби.

Шин чахъдикIар хъулахъмани
ХъанцIли кайзурти шурмачи,
ДукаркIутин бухънабала
ЦIакъ я гъунар агниличи.

Даим тІама-гІама сари
Ригцун калунси гІинизлар.
Ларра дикІар, хІурсра дикІар
УмхІира бугІнира илар.

КІянрубала кІяйра илаб
Кабурхули ахІен бекІлил.
Чум дус чекайсусив халкІли
БалхІебикибси анцІбукІ ил.

БакІиб бархІи. ТІамадариб
Унрубани унрубазі:
«МегІла хІяра, кІелхІе, газа
Касая, узби, някІбази!»

ХІербикІар чедибад чІака:
«МехІурбиубтив адапти,
Сен лусенти даргиутив
Ихцад ихар далдикибти?!»

ГІаза сабри. ХІяралира
Дарулира хІянчи бариб.
Лусентикад татауйзи
Адамтани хІеркІ жибариб.

ЧІичІала кІяйда булкІули,
Алавдирули лусенти,
ХІеркІ саби, шин сари, итцад
МицІирдеш чучи хІясратти...

Шин кили сари шилизи
Турбуназир азбуртази.
Шинни чархІрикІар, дуцІрикІар,
ГІяк-ГІякрикІар риштІал Марзи.

ХІяйнайс ицу ца бархІили
Сунела хІева илини.
Шин сари, шин — чинаралра,
Ши сакІахъубли саб шинни.

Дикиб ца хІябал дус лямцІван,
Дикъур анхълар авхазанти.
Авхазантала заб сари,
БерхІила рангти ва тІемти.

Далайличил пионерти
БакІили саби анхълизи.
Шинни шантас гибси лигІмат
Бурчули саби чІупрази.

Бахъ виштІали левал Муслим
Ил чІупри-алав дуцІикІар.
ГІяхІсигъуна чеббикІили,
Авхазантаци къацІикІар.

БицІили шинни дубшала,
ХІулби гІеркІу тІягІямлизир...
Гъунчи гечдирули сари
Шанта курега чІупразир.

УмхІачирад черкасили,
Кархъу чІупри машинтаци,
Шагъарлизи кърла гъуни
ХІерли саби шофертаци.

Авхазантала тІем бала
Шагъарлизиб дурхІнанира.
Муслимливан хІулби гІеркІу
ТІягІямлизир илданира.

БАРА ДИШУН ЗУБАРТИ

ЛямцІдикІули дамсурли,
Бара дишун зубарти.
ХІяшкъладиубти къяйда,
ДучІесдяхІиб арцанти.

ДучІесдяхІиб, вацІара
Къадара дицІахъили,
Къарла гъар чІиъ, гъар кІапІи
ЦахІнар черсаргъахъили.

Далуйти арцантани
ДучІули вара селис,
Чули илди тІамрикІун
ДелгІули ахІен гъелис.

Маркалис, вавнасу,
Гъу селису далуйти,
Илцадра черхІедухъи,
УркІиличир далути?!

ХІерли дургар арцанти
БерхІи абулхъниличи,
ЦІяб дуги шурбатурли
Дунъялис байрамличи.

ДацІиб закир зубарти
ГІянцІ-гІянцІли лямцІдикІули,
Арцанти берхІилизи
ХІедумсар жидикІули.

**АДАМЛИС
ВАНЗАЛИЧИБ
ГЪАРШ КАЭС
ГІЯГІНИЛИРИ**

(Хабар)

Адамлис ванзаличиб
Гъарш каэс гІягІнилири,
Дураз бариб, дукІ бариб,
ЦІакъ бабгес гІягІнилири.

Синка буциб адамли.
ТямхъярбикІулри синка.
Кили дукІлизи бабгиб,
ДапарбикІулри синка.

Ца гъарш каиб синкани.
БучІулри гъамлиб мирхъи,
ДурхІя кабатес или,
Дурабухъи
ВахІбухъи.

Синкас варъа гъанаур,
Зигарбухъун,
Тямхъбухъун.
Дураз барх хъусбяхъили,
Мирхъилис гІергъибухъун...

Буциб адамли цура.
Вявра-чІярра бикІулри.
Гъар ганзличи хъяблаб дукІ
Шуриван декІбикІулри.

Ганжубара гъарш каиб,
Дуразлира цурани.
ХІера хъула дублаб — миг
Ва миглиур — мигани.

Шикъбулхъану гІур илад,
ВерхІна вирхъулихъалли,
Белкъи къапван мигана
Авлакабикиб гъалли.

Адамлис ванзаличиб
Гъарш каэс гІягІнилири.
Адамлис ванзаличи
Гъе дегІес гІягІнилири.

Буциб гІяра адамли,
Вализур бабгес хІера,—
ХІебубшару итсагІят —
ДукІла бухІнабад гІяра!

Хъямикун ил...
Адамлис
ГІяхІцад къуйрукъ батурли,
Беткахъиб, къадубази
Дахъ кункли тІивхъдатурли.

Буциб адамли хъанцІ бецІ,
Бабгиб илра дукІлизи.
Цаагили хІербикІи
Ил хъанцІ бецІ вацІализи.

КъацІ-къякълавизэ или,
ВегІ кайибгу бара ца,
Тамлиг бергун,
Арбякъун...
Гъари вирадли буца!

Адамлис ванзаличиб
Гъаршкаэс гІягІнилири.
Кумек бареси аги,
Адам вахъ къакъалири.

Рахли «бевв» иб ца унцли
Мякълабси диркъаличиб,
Иш балагъ се балагъу,
БикІар, дила хъябличиб?!

Сели хъарсбирусив иш,
Сен букахъусив ишцад?!
Адамли иб:
«ХІебалтас
ХІечиб ил балагъ илцад».

Бабгили унц дукІлизи,
БелчІун адамли далай:
«Балча хІед,
Аргъала хІед,
Гъари, дила бархкъя, гъай!»

ИлхІейчивад адамра,
Узули сай унц къяйда,
Унцра бузули саби,
Адамлис дигул къяйда.

АРШИ

ДИЛКЬУЛИ

САРИ

Арши берхИла гъигъли
Гъигъра дикІули сари,
Арши берхИла тІемли
ТІемра дикІули сари.

Кайсуси тІем касили
Ванзала ва берхИла,
Дилкьули сари кьукъри
Мургъи-рангти анкИла.

Миллионти кьашмачир
Лугни паргъатли сари.
ЗайдикІулигу илди —
Бара къячки, гъари.

Суркбирули сай луги
Къатавтарси хъатлизиб —
Агъ сецад харидешал
Хъубзар пишяхънилизиб!

Уф-уфдариб, гІур ца къякъ
Халбариб цулалиуб —
Хъубзарлис гъарзабиуб
Лебил дунъя заклиуб.

Гъандикиб дергъла дусми,
Цали аргъурти арши,
Душмай алавдуцибти
Шагъуртазирти гаши.

Чарх зирзир-пяхІярбиуб
Хъула дублаб хъубзарла,
Дяхъурбала хІянбазиб
Гъанаурли изала.

Амма сунечил дарх сар
БерхІира, цІуэрира,
ГІямрула баракатра,
Улкала кагибдешра.

Эгъей! — Ца ахъси тІама
Дурабушиб илини,
Тикрарбариб ил тІама
Гъарахъти лусентани.

Ил хапли акІубсири
Михъирлаб саби-сабил,
Ва бузерила гъавли
Дурабушибсири ил.

ЗайбикІулри ил тІама,
Гъазаличи жи къяйда,
Лябкъулри ила комбайн,
ТІама аргъибси къяйда.

Гієргъи машинти сари,
ДурхІни саби цаличиб
Хієбатес цалра луги
ДугІ шайчиб авлахъличиб.

ТалихІ чебиули сай
ДакІугъаргли хъубзарли.
Далайра бузера
Далкадиркур, узалли.

Ил талихІ — авлахъличиб
Бемжурси гъазализиб.
Агъ сецад далдикилил
Хъубзардеш гъабзализир.





НИКІА

МУРДА

**Мурдаватур бегІ гьалав
Ца виштІи урчиличи.
Дугъавизур бегІ гьалав
Дудеш ил уршиличи:**

**«Чумадара, гьари, ял,
ЯхІбара гьари бара.
Авадан аварахъли
Лебил дунъя къунзбара.**

**Мурдара мурда ахІен,
Урчили лайхІекІибси.
Урчира урчи ахІен,
ВерхІдехІ мегъ хІедергунси.**

**Дямбуца, гьари, ургъур
Урчиличи мешули.
ДеркІаби дунъяличир
ГІямру гІяхІлад вашули.**

Хіела кункси айгъирли
Къяш кацІибси мерличир
Арцла вавни гъардикІаб
Мургъила маркаличил.

Хіуни кабихъибси дякъ
Гъункъябас гъуни агъаб,
Хіу хъуравиубси мер
Бамсуртас анкъи агъаб.

Ціуэрира берхІира
Даим дарх дираб хІечил,
УркІи шадли, бекІ сагъли
Хіу хъули чарухъайчи.

Баткаа, гъари, ургъур
Урчиличи мешули.
Ахъаби верхІал дунъя
Хіу даршули вашули.

ВАЯХІ

ДИКІУЛИ

САРИ

Гажин бикІули саби:
«ТалихІчебли бирус ну,
ДяргІиб ши бицІибхІели,
Муракьянабани ну,
БягІуси маргъ каили,
Яргали ахъбурцули,
ХъалхъалбикІахъухІели.»

Кашин бикІули саби:
«ТалихІчебли бирус ну,
ЧудухинкІазибхІели,
Гъунчиб бамсурти гІяхІлас
Илди, гавдикІахъули,
Халаси кІабатІлизир
Гъала кадирхъухІели.»

Варгъи бикІули саби:
«ТалихІчебли бирус ну,
Гъабзали чегъурхІели.
Дуки-гъунила мерлар

ЧяхІ-заб чедакІибхІели,
Илис къушра сабли ну,
Анкъира агъурхІели.»

Къалтин бикІули саби:
«ТалихІчебли бирус ну,
Дудешли хъатбяхъили,
Неш лайларикІухІели,
КІел дахъ диштІати къяшли
ГІямрулизир бегІ гьалар
Набчир делхъ дирухІели.»

Чирагъ бикІули саби:
«ТалихІчебли бирус ну,
Нурли чахъбикІухІели,
Нушала Написатли
Букварь гьаргбирухІели,
«А», «Б», «В», «Г», «Д» — или,
ХІурпри хІердирухІели.»

Унза дикІули сари:
«УрхІлаван нушалара
ТалихІ бири, ашкарли,
Иш виштІаси Сайгидли
Ца анцІбукъ уббаталри —
БиркІанти хІярхІдухъахъи,
Нушачив кахІелхъалри!»

АРЦАНТИ

ДукІлауб къумбикІули,
БикІули саби лагъа:
«Сен дунъяличиб ишцад
Лебсира дила багъа?!»

УркІи бикІули саби,
Тимхъванбухъи лагъала:
«ХІуни хІебалусиван
МягІни хІела багъала!

ЗурхІябтала ранг дулгъа
ХІела хъябла рурхІнили.
Илра биур, гІурилти
Седирутив дурили?...»

Лукъулри ахъли чІака,
ЧІака ахъли бучІулри,
«Марли, дила сен ишцад
ХІурмат лебсив?!» — бикІулри.

УркІи буцІарванбиуб
Ва бикІар чІакализи:
«Ил хІуни хІебалуси
Се буришав, гъу, хІези!—

ХІела дуклуми къяйда
ТинтІси лебу гІур селра,
ГІурилтикІун хІунира
Далулри хІедурасра.»

Лачин гІяярбухъири,
Лачинни тІамадариб,
«Далуйтазиб булан ну
Сен гапбирусира?» иб.

БикІар уркІи лачинна
Бара гъалаксаурли:
«Нуни балуси лебу,
Ил хІуни хІебагъурли?

ХІелагъуна саркъиб хІер
Бирар бикІулрив биэс,
ГІурилтикІун лишанти
ХІедураслира дуэс!»

БучІулри ахъли къяна:
«Къя!» — ил тІамализибад
Къяна ибси у акІуб,
Балкабикиб акІубмад.

Декла дублаб бархили
ЛайдакІибти рудази,
Имканагу илала
Гъеч ахъес пикрумази.

Ца къаралди агъалли,
«Къя!» иру гІурра ахъли,
Урцар ва гІур кабирур,
МухІли ушкули, сахъли.

ЛехІкахъилри тялалаб
Далайла уста булбул.
Ит бурибси тІамала
Ибхъули ахІенри бул.

ХІерлири адалкайчи
Закир чихъти зубарти.
Зубартасгу имцІалин
ДучІутира булбулти.

Булбулли сунечила
Бурес дигуси ибси
Бурулри далайлизиб,
Бай дуги бехІбирхъуси

ГЪАЛМАГЪ

ГЪАРАЦІИКИБУ...

Агъ, чум гІякълу дурибал
Дила дудешли набзи!
Илдазирад цачумал
Гъандуршулра хІушази:

«Бара шайчи валкІуну
Хіела урибси гъалмагъ,
Хапли бара бамкъуру
ХІушала ургабси аргъ,

ЛайикІулри ил хІуни.
Салам агу, гъай агу.
КІелра хІуша-ургабси
Дякъ къарли лябкъулигу!

Бара балкІунси гІябул
ЛайхІебикІу устали.
Бархъбарили, кабирхъу
КабирхъуйхІи сагали.

Гъалмагъдеш калахъесра
ГІягІнити сар устадеш.
КъацІваники лайдикІес
АхІенгу илди цІедеш!»

КАИЛРИ

ЗАБЛИ

МАКЪАМ

Каилри забли макъам
Махъла ахъси чирхлизиб.
ГилдидикІар, ригдухъи,
Заб галгала чархлизи.

Забла къири арбякъун
Гъарахъти шурмазибяхІ.
БерхІили гъаглизирад
Гъаргдариб сунела дяхІ.

Нурла шала, махъла тІем
Гъудуркайуб итхІайзир.
Ца гІяжаибси тІягІям
Кабизур вацІализиб.

Марка гердикІули сар
Махъла бурбуначирад,
Кагили деткайхъули
Шалал дунъяличирад.

Кабизур махъла вацІа,
ТалихІли бицІибсиван,
Висули къайикили,
Пишвахъибси дурхІяван.

**ПИКРИБАРИБСИ
АХІЕН, ВАРИ,
ИЛ АНЦІБУКЪ
НУНИ**

Цали алки сай адам,
Ухъалав къакъали сай.
Жан картІусиличиван,
Тухтурличи хІерли сай.

Кабатес тяхІяр агу
Вертолет лусентачи.
Кабалтули саби ил
Ахъси диркъси хъалчличи...

Пикрибарібси ахІен,
Вари, ил анцІбукъ нуни.
Ил анцІбукъ дубуртазиб
Чебаэс вируд хІуни.

Адам къайгъилизив сай,
Гъу дублаб юрт бирули,
Гъункъя тіашилзули сай,
«Салам гІялайкум!» или.

Гъамбариб халал къаркъа,
ХъуцІарличи касили,
ХІела юрт баракатли
БицІаб, багъадур, или.

Пикрибарибси ахІен,
Вари, ил анцІбукъ нуни.
Ил гІядат дубуртазиб
Бузни балулри хІуни.

Ялкъузли аркъусилис
Хапли мурда гІевваиб.
ХІелусикъира адам,
Чевухъи ургъур бедиб:

Вамсурли ургуд, уртахъ,
Мурдайи урчиличи.—
КІел адам гъалмагъбикиб
Ца ахъси ласбулхъличиб.

Пикрибарибси ахІен,
Вари, ил анцІбукъ нуни,
Илгъуна анцІбукъ гъаман
Чебиид гъунчиб хІуни.

ХІу ацІилри къяцаван
Ахъ дубурла бекІличи.
Цала кІунтІуба берхІи
Хъямбашули саб хІечи.

Удир хІела къяшмаур
Забра сари къукъура.
Тамаша! Ургаври хІу
БерхІилара заблара.



НикІа дубурлайчила
ИштяхІ акІуб гъайухъес.
ВиубхІели верхІал дус,
Вирар варачан ахъес.

«Пагъливан къардаш!» или,
Гъая ихъу шурмачиб,
Яра тІашла делхъ диру
Арцурси урчиличир.

Пикрибарибси ахІен
Вари, ил анцІбукъ нуни.
Ил анцІбукъ, къасбарадли,
Чебаэс вируд хІуни.

Рахли илди гъунарти
ХІедаралли ГІялини,
Яра илала унра
Валликъяна Валини,

Чилра гІяйибта хІеркъур:
«Бати хинкІа букахъес,
Лябкъянну чусра сагІят,
Чумра варачан ахъес.

Пикрибарибси ахІен,
Вари, ил анцІбукъ нуни.
Балуси саб ил чумра
ГІялини ва Валини.

ГЪАРИ, ЧІАКА, КІАЙБЯХІИ

**Гъари, чіака, кІайбяхІи
ГІур жургъжургъбухъен набчиб.
Муэрли ва хІуруцІли
Нура варх сайра хІечил.**

**Гъар дубура ихъадли,
УркІи гІергъи гъуцІбикІар.
Сен дуклуми агарли
АкІубсив инсан декІар?!**

**Чіака, уктемдеш дати,
Бара гІяшли кІайбяхІи.
Лябкъниличи вирхус ну
Ишцад ну хІерси бархІи!**

**Ванза гардарбарили,
Къукъулизив, цІализив
Дила самолетличив
Урцус нура заклизив.**



Ташбизи, хIердикIехIе
Ил бархIи хIура нура,
ХIули абхъайчи чили
Ихъул ахъси дубура.

Кагъуртала, уркълала
Дила самолетличиб
ДукаркIули бургуд хIу,
ЛасбикIули шиличиб.

ДукаркIен хIед дигуцад,
Гъимал хIеркIус хIечи ну,
Муэрли ва хIуруцIли
ХIу дила гъалмагърину!

ГЪАЛМАГЪЛА НЯКЪ

Някъ кабирхъу гъалмагъли
Гъалмагъла хъуцІарличи,
УркІилизисби диги
Иргъахъули иличил.

Гъалмагъдешлис дахъал гъай
ГІягІнити ахІен, бикІар.
Гъу, имцІякъ се бирусив
Гъайла бекІали-декІар?!

Лябкъули саби, хІера,
Барх ГІялира Валира.
ИлдикІун чинабалра
Ганз хІясибли балира.

Дарсур кайхъили сари
Някъбира хъуцІрумачи,
Далайра белчІи саби
Ишдигъунти дугъбачил:

«Я дягІли, я маркали
ДекІархІейрура нуша.

Нуша-ургаб хъисхъали,
Гъейлар, хъали хІелуша...»

Къяш баръили, урхъназив
Къияйзивикиб ГІяли.
ШулГІевад тѣп илхІяйзив
Вагъаривиуб Вали.

Валила хъуцІарличи
Някъ кабиxъиб ГІялини.
Илди гъалмагъдешличил
Се сари илдас урхъни!..

Хъябшизур гъачам Вали,
ВакІиб ГІяли иличи.
«Аги сена?» — или, някъ
Кабиxъиб хъуцІарличи.

Пишяхъиб гъалмагъ Вали,
БерхІи пишбяхъибсиван,
Чархлизибси изала
СихІрули битІунсиван.

Някъ кабирхъу гъалмагъли
Гъалмагъла хъуцІарличи.
Лебси вара баркъуди
Дурхъаси гІур иличиб!

МИЦІРТИ ЖАН

САРИ КЪАРРА

**МицІрти жан сарри къарра,
МицІртазирад — бегІлара.
Дяркъурти сари илдани
Мез берхІилара дягІлара.**

**Къар дикІулри берхІилизи:
«ГІянцІванбара хІела шала,
Лебил яхІ кабурхулину
ХІела цІалиуб нушала.»**

**Къар дикІулри гъагултази:
ГІяшдиирая нушачи,
ЧяхІдарая бизити заб
Дахъ милигли язихътачи.»**

**Чирагъ гІянцІбариб берхІили,
Гъагла гІела дигІянбикиб,
Итцад паргъатли бусуси
Гъаглизи цахІнар цІадикиб.**



Гѣур гѣаг, цѣудар-цѣяббѣублѣ,
Кабѣзур забла дѣагѣлѣчѣ.
Кѣукѣуѣб ва цахѣнаб кѣѣри
Картѣѣб милѣгтѣ кѣарлѣчѣ.

Дѣзна дучѣули сарѣ кѣар
Берхѣѣлѣсра рѣхѣматлѣсра,
Кѣукѣалиу адаѣлѣ,
Хѣядурлѣ сарѣ дердѣсра.

«Чѣна аркѣусѣрѣ?» — вѣкѣар
Вѣштѣал Бѣхѣмуд дудѣшлизѣ,
Кѣялкѣя хѣункѣала бѣрулѣ,
Азбарлав сакѣубсѣлѣзѣ.

— Хѣед нѣѣлѣчѣ аркѣусѣра, —
Иб дудѣшли, пѣшѣхѣѣлѣ.

— Тѣашѣзѣ, нура лѣвкѣяснѣ, —
Иб Бѣхѣмудлѣ, — пѣхѣу хѣлѣ.

ДИЛА БЕГІ ГЪАЛАБСИ ЖУЗ

Дила бегІ гъалабси жуз,
Кайзур гъалмагъдеш хІечил.
Севан декІариркусив,
Сегъуна уркІиличил?!

Сабирхъулра ца кІапІи.
ХІеб лямцІдикІули сари,
Арцантази, къарлизи
Бедили цахІнаб ари...

Сабирхъулра ца цархІил.
ДуцІрум сари илизир.
КІанруби дучІар ахъли
Дилкъути аршилизир.

Сабирхъис гІурра кІапІи.—
Азгъин забла вязлиур
Аркъули сар арцанти,
ДумхІули сари чадур.

Сабирхъулра ца гъатІи
БерхІи ва дяхІи сари.
«Гъей, гъаларад!», «Гъу,
гъари!» —
Гъяймачир тІамри сари.

Дила бегІ гъалабси жуз,
ХІезирти алипуни,
Закирти зубартиван,
Чихъли чедиис нуни.

Гиб илдани къиблама
Наб халал дунъяличи.
ХІера, лукІулра кагъар
ГІяскарлизи узици.

Узичил варх кайили
ГъайикІусигъуна саб.
Дила бегІ гъалабси жуз,
ХІуни гири ил цІакъ наб.

Сецад хІерли диалра,
ЦархІилти жузи набчи,
Гъалмагъдеш кахІедурхар,
Гъачам кайзурти хІечил.

ТЯЙ УРЧИ АЛГЪУХІЕЛИ

Тяй ибкъли тямхъбикІулри,
Тяй гьерклизи бикилри.
ГІямрулизиб бегІ гъалаб
Ургъурлизи бикилри.

КаркарбикІулри гъариб,
ЛямцІарбикІулри цІаван,
Къяцалангбашулри ил,
ТямхъярбикІулри цаван.

ТІяхІухъун жагъил дурхІя,
Пагъливанван, тІяйличи.
ШибшитІанван лукъулри
Айгъир бацунси хъучиб.

ЛарбикІар ил, тІяхІбикІар,
Мурда лайикІис или,
Мурдара вахъ сахъли сай,
Ялра цІацІадарили.

Къяббердес иштяхІ саби
Ванзаличибад тІяйла,
УркІи дурахІергъурли
Сен калусил гъарибла!

БалхІебурцуси тяхІяр
Агара илаб тййли,
Къакъличивад гужла веГІ
Чевикаб гъари или.

«ЛайикІу!» — бикІар цабехІ,
«ХІейкІу!» — бикІар цархІилти.
Дикъули ахІен бекІлил
Мурдали илди жалти.

Ургъур баткаили сай,
Башаб дигуси шайчи.
Ванзалара дуцІлара
Балтас тІяГІям касайчи...

Байхъу саГІятла бухІнаб
Урчи бетаур тййра,
Майъаливатурли сай
ТалихІчев багъадурра.

«ХІерая, — викІули сай, —
Ишра духубаррану.
Чедихъая улибхъа,
ХІушаб иш мутІигІлину.»

Бемжурдешла гав саби
Гъалагси къакъличибад,
Бухъи саби ил бархІи
Тйй азаддешлизибад.

ДукІ хІерлил, дузаб хІерлил
Гъачам багъес агара,
Дарх диабну сунечил
Даим берхІира дягІра!

БЕРХІЛА ГЪАЙ

Къакъурби умударес
Дурабухъун адамти.
Делхи сари кІарира
Бара липіирдикІути.
ГІямруличи иштяхІра
Къасанира хили дарх,
Кабизур ванзаличи
Май базла савлила аргъ.
Ил аргълизив ну гІянручІ
Урхъу дубла вакІилра.
Бахъ умули, тяхІули
Саби урхъула гъигъра.
ДяхІимцІаван шалали
ЛямцІбухъи саби урхъу.
ХІязлис къяйда паргъатли
Дубла ругерти дурхъу.
Урхъу ва зак гъарахълир
Сари цахІнадикили,
Паргъатдешра шалара
Дебшлизир далдикили.
Шала хІунтІена берхІи
Абухъун урхъназибад,
Дунъя бицІахъиб нурли
ЛутІи-хъулчилизибад.
Ва берхІи, хІед баркалла,
Бургъаб ил хІела гъуни.
Секъяйда хІела ламус
Ахъес вируса нуни?!

БАРХІЕХЪ

Гъарахъси гъаглизир нур
Жайзир дургъули сари.
ВацІала дайла гъуршдеш
ДухІнадулхъули сари.
ДурхІнас милякъунани
ГечдикІули дамсурли,
КъучІурдикІар арцанти,
Дусагъес кадилхъули.
Дугила арцантани
Далдушиб шятІихъуни.
Ва, хІера, бехІкабихъиб
ГІядатла шадибгъуни.
Дертурти гъуршдешлизиб
МяхІкамли къялшубачиб
КъяйцІбухъи саби гурдмигъ,
Гъаргъли дуцІар хІиличи.
ХІулби рурхІули сари,
Шиниш цІала ламиван.
МурчІ къябчІбулхъули саби
Къялшубауб, бершаван.
ШипІбиргІур ил, гІур гъуни
Даимбирули саби.
ВацІа, бусра бусули,
Бузра бузули саби.
БерхІи бикІар: «Наб бекІлил
ГІягІнили ахІен селра.
Диалли ванзаличир
Бузерира талихІра!»

ХІЕБЛА ЗАБЛИ ХИБТИ ПИКРУМИ

УркІилис халал разидеш
Биху кьалли хіебла забли,
Бизил ряхІматли дулкъути
Духълумачи хІердикІадли.

Гьар шиниша кІапІилизи
«ДелхІеная!» бикІусиван,
ВякьярбикІар къукъу закиб,
Вякьярра тяп, беруб кабцван.

Заблиубад убберцили,
Пяхъякун гьаргала арцан,
ГІур ца хІуй набчи хІеръили,
Дянгбухъун, лямцІбухъун арцван.

ИлискІун биринж кархъира,
БекІнякъличи кабалтира.
ХІер нушала цугбикибмад
Сен илцад уркІбухъун вара!!

Арцур, уркіла гимази
Батур бархкаи́ли анці́кьи.
Ил анці́кьи гїяхїцадхїи кавлан,
Анці́буць халаси ахїенкїи.

Забла кїири байбяхїили,
Лусентази арбьякїун ил.
Черті́иб забла балагїлизиб
Багїес диги́б наб се бикїил.

Пухїлас варакїра деди́ли,
Итцад сахїдешра бе́дибси,
Чебяхїси саби хїейкїули,
Таби́гїятлис гїур сейкїусив?!

Дила жила мурад аргїес
Ахїри агу арцаннара.
Арцурли сунес гїеввазс
Дуклума агу дилара.

Заб тїашдизур. Лебил дунїя
Берхїила цїализи́б саби.
Дунїяличила пикрума
Дила чарх зимлизи́б саби.

АХЪЛИ

ВИКІУЛРА

Дубуртала букІрачирад
ДяхІила цІуба кьапІара
ЧІакнира уркаса, гъари —
Тамай цІуръара диубли,
КегІебдешра битІунтиван,
Хумарли кадилзан сари.

Къадурбала лутІилабад,
Варачанра убкасили,
Гурдмигъра убкаса, гъари —
ЦІакъ беткахъили, цункавхъи,
ГІуркагъурти шинкъан къяйда,
ГІянцІдиубли калзан сари.

ХъанцІ урхънала къакъличибад
ЦІуб гамира убкасили,
Ругертира дишен, гъари —
Итцад итди мицІирдешла
Лишантазирад духъиван,
Гъигъ агарли калзан сари.



Дубагар диркѹрбачирад,
Кѹалтин убкайсуси кѹайда,
Вава-кѹар уркаса, гѹари —
Цѹудар-цѹабси дягѹлизира,
Демжурти хясализира,
Занзбазира биркур ари.

Дунѹяла адамлизибад
Хѹуни уркѹи-бекѹлизибад
Гѹяхѹси кѹас убкаса, гѹари —
Дунѹяра гѹуршкабиубли,
Ил сайра багѹла-багѹлали
Жанивар хѹегѹалли — гѹариб.

Ахѹ дубуртачир чѹакнира,
Мурхѹ кѹадалаб варачанра,
Авлахѹличир вава-кѹарра,
Хѹанцѹ урхѹначиб цѹуб гамира,
Адамлизиб гѹяхѹси кѹасра
Мурталра диаб викѹулра!

ДУБУРТИ ВА ДИРКЪУРБИ

Гъачам къакъмужи валри
Лебкулри дубуртази.
Халкъ бикІулри: «Сегъунал
Хіераягу иш тази!

Се бирусив кили иш —
Дубуртази дубура?»
Хіербизур дубуртачи
Валри, уркІбухъи бара:

ГичІли башес хіебирус
Ишди лусентаубад,
Къардванбухъасли, урцус
Ахъси шурла бехІлабад

Датурли дубуртазир
Лерилра балагъуни,
Бара шаладикибмад,
Ахъили халал гъуни,

Валри багъарибиуб
Гъумла авлахъуначиб.
Дусли хІяйна хІербикІар
Гъарахъти дубуртачи.

...— Пурс кьяца, эй, сен хІуни
ЧердикІибтив дубурти,
Итцад халаси валри
Итцад уркІбухъахъунти?

— Валри гъарахъ бешили
Нунира чебаира,
Амма жагадизур наб
ДяхІира иш берхІира.

БерхІиликІун бегІ гъалаб
Бархъили хІер ванаси,
Дила мукекила бехІ
Саби шалабируси.

Къуват имцІабиубли
Тумазир дуцІар хІила,
Мукукурала мякъи
ДукесдахІялли дила,

Бемжурли хъячІбашуси
Ишди шурмачирагу.
Ишарти лусентиван
Даргъси гІур селра агу.

...— Сайгак, бикъулрив хІуни
Се бикІулил пурс кьяца.
ХІу сен дубуртазибяхІ
ХІякъядал бурагу ца?

— Берхїи абулхъухїели,
Хїербикїус дубуртачи.
Мурт хїулби лагдизалра,
Къясли бирус пурсличи.

Амма хїебирус пурсван
Шурмачибад абицїес,
Диркъси мер гїягїниси саб
Наб, бамсайчи дуцїбикїес.

Бусагїят ну ишабра.
Гъари ца, хїулби гїекїа.—
Абхъайчи ну беткайхъус,
Агъурли гъурша къикїа.

Дуцїлизир сари дила
Тїягїамра, берцудира.
Дянгти авлахъуначиб
Яшав-бекїахъудира.

...— Ва барткел, дикъулрив гъай
Сабурагар сайгакла.
Сен уббатуррив хїуни
Майдан ишцад авлахъла?

Илцад илди халати
Мукукури чирхлизир
Се къяйда хїедирхутив,
Дихутив вацїурбазир?

— Ну дургъбала къяйк-къуйкли
Бешахъибсира иша.
Гїяхїкабизур наб иш мер,
Шимша лер, се бикїиша!

Дила мукукура
Къялубарти диалли,
Сен къабулхѣдирутив
Къялубарси ваѣали?

Бахъхи ну хѣбалтуси
Бушинкайуб адамра.
Гъанна гъар балагълизиб
Адамли балтахъулра.

...— Ва, хъанѣа беѣ, дикъулрив
Дугъби адамличила.
Се буриду, гъу, дубрир
Хѣла гѣмруличила?

— Дубриб биас, диркъалаб —
Наб деклардеш агара,
Дегъалри дунъяличир
Тѣмкъра дарула гавра.

Гѣш халатас гъар даим
Къарайучив сай адам.
Хурилра дусхѣлгъутив
Сунела се багъандан?

Бяхъилра ваѣурбазиб,
Пяхъяилра шурмазиб,
Хъанѣхѣбиубси дамгъа
Агу дила чархлизиб.

Кавласал ну хѣлгъасал
Иш дунъяличиб или,
Дунъя бархили саби
Дила суал ирзули.

МАНСУР

ДуцІрумла берхІилиуб
Лебилра дунъя бамсур.
Къаркѡа-гІянжи дамсалра,
ХІемсар нушала Мансур.

— ЦІябдиубкѡи,— рикІар неш,—
Мансур чархІелхѡусив сен?
— Сен жявли цІябдирутив?!—
Мансур разили ахІен.

ХІера нешра уршира
Жалбяхѡили саб барсур.
ГѡимрукІили сари неш,
ГѡимукІили сай Мансур.

ЦІябдиѡни селра ахІен,—
ВикІар ахирра урши,—
БархІехѡра хІериливан
Шалали сабину ши.

Сен хІу гѡимруркІусирив,
Ца хІела бекІличира,
ЦІябдиублил, ахІенал
НукІун шакрахІейкира.

ДУДЕШ

РАЗИЛИ САЙ

Гъалли миѣбала хъарлаб
Къуш саби букІунала.
Бара удир дердибти
Сиртани сар мурала.

БархІиихъуси сагІят
Тамаша хІебиалли!
БерхІили миѣлихълизи
ЦІадушили хІейѣалли!

Шила муракъянаби
Чарбулхъули саб хъули,
Цали ца жибирули,
Ахъ-ахъли у айхъули.

Батурли ахълиб дяхІи,
ДуцІрумра хІебицІуси,
Къяшмауб къалла бехІкад
Дякъ саб, къярдла аркъуси.

Дигъи сари ил дякъли
Шимира ахъ хІурхъира.
Ил дякъ хІейхъуси хІергид,
Гъамадли ахІенкъира.

Вашулри гъалав адам
Варгъила къапІачевли,
БерхІилира заблира
Ранг дитІун хІевачевли.

ГІябла дуцибти чакма
ДучІули сар дякъличир
Азир къяшли делкунти
ХъанцІ рангти къркъубачир.

Пишвахъили сай бара
Духъян супилтаувад.
Дирихъ пухІбухъи саби
ВацІала хъарличибад.

Удиб — ахІмакъ варачан,
Шурми-ургаб лукъуси,
Чедиб — берхІила хІула,
ГІергъити нур архуси.

Разили сай ил гъабза
Сунела гІямруличи,
Унрубачи, гъамтачи,
Дердибти мураличи.

Амма селрайчив гъалав
ХІилнавиркъули сай ил,
Сунес гІергъи дякъкада
Балули чи лявкъулил.

Лявкъусила къяшмачир
Чегъи дабрилра агу,
БекІла гъезра гъабзала
Дирихъван дархилигу.

ГІябулгъуна уршили
Гъаббуцили сай ябу.
ЖяргъдикІар къаркъубазир
Урчила лутІи-гІябул.

Урегал дуслa урши
ВакІилри дудешличи,
Чуду-къацІ кадухили
ИкІцад ахъти гІявначи.

Илди дусмачивадал
Кумекчи сай дудешла.
Агъ, харидеш, уктемдеш
Вашнила-вашудешла!

Дудешли дякъкад ургъур
Бедили сай илизи,
Гъайгъай, сай халварили
Халаваибсилизи.

Урехиласи мерлаб
Хъяб гъабалта ябули,
Къалтъла бехІлавад урши
БекІли мяхІкамирули.

Къалтлагъунти кІунтІуба
Къяббашар хъуцІарличи,
БикІусин: «Вари, уртахъ,
Къардмалхъад иш мерличив».

Духуси ябу саби,
Чумра балагъ дакІибси,
Ил дякъ, хІулби дигъалра,
Ахъили бекІбиэси.

Хунжи сари кѣакѣличир,
Хѣалла регІли дершибти,
Дубурла вава-кѣарла
Някѣишуна даршибти.

Хунжазир ваяхІ сари,
Палтар сари хѣубзарла,
Касибти рахли или
БакІалли балагѣ забла.

ГанзикІули сай урши,
Буцили ункѣли ургѣур,
ГѣеббитхІеркур, кахІеркур
БехІлав никІа багѣадур.

Гѣав вашули сай дудеш,
КабелчІи гІяшли далай.
БерхІили хІурхѣачибад
Арбухиб хІунтІен дарай.

ВАХЪ

ТАМАШАИЗУРГУ

ЦА УРШИ

— Чиларив?— ира нуни
Ца виштІал уршилизи.
— Нешлара дудешлара,—
Иб ил уршили набзи.
— Дудешлис чи бикІару?
— Дудешлис дудеш бикІар.
— Ва хІу хІела бегІтас ват,
Нешлис?
— Нешлис неш бикІар.
— ХІед чи бикІару?— ира.
— Наб Къурбан бикІар,— викІар.
Неш биалли мурталра
«Курбанчик» рикІар,— викІар.
— Чум дус виублирив хІу?
Авал тІул чедаахъиб.
— Чина аркъулрив?— ира.
Ил гІяхІцадхІи лехІкахъиб.
ГІур иб: «Дурсрачивад ит
Къанни чарулхъуси сай.
Някъ буцили гуж-гужли
Хъули арикуси сай.
— Чи ит?— ира. Ил викІар:
— ЧикІун нушала ГІяхІмад.
Сумка арбуха викІар,
ВявчІарикІар гІелавад.

КъарбекІлизи тІимкъбалта,
ХІу хъулив уэн викІар.
Илцад дуралра хІевхъес,
ВиштІалирав ну-декІар?

Ну дурахІевхъасликІун,
ЦІябдиайчи хІякъян ил.
Дудешлира нунира
ХІяйна витибси сай ил.

Дурсри тамандирар иб,
Арякъун дуцІли урши.
Дерхъабну дунъяличир
Даршна сунела арши.

ЖУЗЛИЗИРТИ

НикІа анхъчила далай	3
Агъ, сецадал дарести	6
ХІеб даКІиб, баКІиб майра	8
ХІуллумар тазиличив	10
ХІеб, агъ, хІеб	12
ДурхІни сайтІун чатІали	15
Дурсрас дарман	16
Урчачиб	18
КІялГІнала никІа устни	21
БегІ гъалаб белКІунси кагъар	26
Гъар секІал далуси ПатІи	29
НикІа дубурлантала делхъ	32
КІел гъалмагъ	35
Ца гъачам гъатІи калхъас	37
ВиштІал ХІясан	42
ГІисала хасият	45
Къяй... Къяй	47
Гъар секІа вегІ	49
ГІяийбагар	51
Цаагили усуси	53
ГІяярдухъири мирхъи	55
Балулраяв хІушани	57
Гъарбизаб гъар каЦІиб ганз хІу- шала, пионерти!	59
Миъличиб	61
БукІуначив гІяхІладли	63
Вахъ вемжурли сай Жавад	67
Шинничила хабар	70
Бара дишун зубарти	75

Адамлис ванзаличиб гъарш каэс	
гІятІнилири	78
Арши дилкъули сари	79
НикІа мурда	82
ВаяхІ дикІули сари	84
Арцанти	86
Гъалмагъ гъарацІикибу	89
Каилри забли макъам	90
Пикрибариси ахІен, вари, ил	
анцІбукъ нуни	92
Гъари, чІака, кІайбяхІи	95
Гъалмагъла някъ	97
МицІирти жан сари къарра	99
Дила бегІ гъалабси жуз	101
Тяй урчи алгъухІели	103
БерхІила гъай	107
БархІехъ	108
ХІебла забли хибти пикруми	109
Ахъли викІулра	111
Дубурти ва диркъурби	113
Мансур	117
Дудеш разили сай	118
Вахъ тамашаизургу ца урши	124